

# SIANGINN KAI LE TTHIAL TIMHTUAHNAK CAAH TUAHDING A TTHAMI PAWL



Na fa nih a kainak ding sianginn thar aa ziaknak lai va leng uh. A sianginn kal le ttinnak lam a hngalhnak lai va cawng uh.



Sianginn a dih in na fa don naa timh ahcun don caan le donnak hmun kha ichim cia uh. Na herh sualah sianginn cheukhat nih sianginn dih hnu ngakchia zohkhenhnak an tuah.



Sianginn kong chimhnak tehna ah va kal law na fa zong kha sianginn kong chimhnak le timhtuahnak tehna kal ding in forhfiial.

Sianginn nih nan holh a thiammi ca cawnnak bawmtu saya/ mah (Multicultural Educational Aide (MEA)) an ngei ma ti zong hal hna.



Na herh ahcun a lak holhlepiak ding in na fa sianginn kha chim hna. Thil cheukhat tuahnak ah hman khawh a si.



Sianginn nih a herh tikah an in chawnh khawhnak lai na phone nambor pe hna. Sianginn phone nambor zong kha hngal.



Na fa cawnding mi le a caan ttialnak (timetable) kha laa law na fa nih zeikhan le cawnding dah a ngeih timi na hngalh lai. Na fa a hnutding asiloah a bauding a si ahcun sianginn chim hna.

Na fa nih damlonak asiloah ahleice in bawmhnak a herhmi a um ahcun sianginn kha chim hna. Thinphannak pakhatkhat na ngeih zongah sianginn kha chim hna.



Sianginn thawk hlanah na fa caah sianginn uniform cawk piak. Sianginn cheukhat nih hmanciami uniform pawl zong an zuar.



A herhmi cawc le thilri pawl zong cawc piak – a herhmi cawkdang cazin le zeitindah cah a si timi zong sianginn hal hna.



Na fa nih a ngeihmi le thilri pawl ahkhan a min ttial piak dih, bianaah an thilpuan le thilri pawl.

Sianginn nih siangakchia pawl kha kutken computer (laptop) asiloah iPad ngei ding in an fial khawh hna. Zeibantuk phundah na fa caah a herh timi kha sianginn hal hna.



Ngandamnak caah a tthami rawl funpiak hna. Sianginn ah eidin dawr a um ma ti zong hal hna.



A bu in inn-ca tuahnak (homework club) asiloah sianginn lengah tuahmi cawlcanghnak tehna ah na fa itelding in forhfiial.

Tangka lei bawmh na herh ahcun sianginn ca a dihmi bawmhnak halding ah na fa sianginn kha pehtlainnak tuah.



Tamdeuh hngalh na duh ahcun [www.education.vic.gov.au/parents/going-to-school](http://www.education.vic.gov.au/parents/going-to-school) ah zoh.